

Epesus 2:2 Wakutu intua mo'ikow dinumudui kong kabiasa'an mita in dunia na'a; tua im mangalensa mo'ikow dinumudui kom mongongawasa kom bałangon, tuata in roho inta masai na'a nongawasa kong gina in intau mita inta diá motoindudui ko'i Jehovah.

Matius 6:10 angoidon parenta'ai ing kami podudui ing ko'ibog-Mu, kon dunia náonda bo kon soroga.

Lukas 22:42 Nana'a in sambayang-Nya, "Amá, aka mota'au, yo poyayukdon ko'i-Nakó in roriga tana'a inta musti korasaan-Ku. Ta'e de'emanbí podudui in ibog-Ku, poduduibí kon ibog i Amá tontaní."

Yohanes 16:7-9 Ta'e totu'ubí im poguman-Ku tana'a ko'i monimu: Totokbí i mopia ko'i monimu aka mayak in Aku'oi, sin aka Aku'oi diá mayak, yo diábí mamangoi ko'i monimu im mototulung tattua. Ta'e aka Aku'oi mayak dá potabá-Kubí mangoi in Sia ko'i monimu. 8 Aka Sia mamangoi yo ponyata-Nyabí kon dunia na'a mangale sabanarnya in dosa, nongkon onu inta totu'u, bo nongkon hukuman i Jehovah. 9 Ponyata-Nyabí kon aka diá moperisaya ko'i-Nakó tua in dosabí;

2 Timotius 2:10 Tuamai aku'oi in notabahbí notanggung kon tua komintan lantaran kopentingan in intau mita inta aim pinilí i Jehovah, simbá mosia moko'ulí doman kong kasalamatan inta inaidan i Kristus Yesus bo takin kamulia'an inta mononoi.

Rum 15:20,21 Kong ginaku na'a im mopota'au in Habar Mopia nongkon i Jehovah kon tampat inta intaunya mita diápa nokodongog kon soál ki Kristus tua. Sin doibí in aku'oi mopesindog in oáidan kom pondasi mita inta ain pinomia in intau ibanea. 21 Kom bonu im Buk Mosuci aim pinais nana'a, "Intau mita inta diápa dodai onda notarima kon habar soál Sia, im moko'ontongbí; bo mosia inta diápa dodai onda nokodongog, im momangale bidon."

Rasul 2:36,37 Manangka intua bayongan intau Israel musti monota'au totok kong ki Yesus inta aim pinopopakú monimu kong kayu pinoyotalempang binalí bidon i Jehovah Tuhan bo Raja Mopoposalamat!" 37 Naonda im mosia nokodongog kon singog i Petrus tattua noljai ing gina monia. Bo nolibó im mosia ko'i Petrus bo kon rasul mita ibanea, "Utat mita onu degá im musti pomia'an nami?"

Ibrani 4:2 Sin habar tattua pinota'audon doman ko'i naton notongkai ná ko'i monia. Ta'e habar tattua diá im barangunanya ko'i monia, sin wakutu in dinongog monia diá pinirisaya monia intua.

Yeremia 24:7 - Matius 22:37 Tubag i Yesus ko'inia, "Kotabidon ki Tuhan, ki Jehovahmu bo tongádon Sia im musti sumba'an monimu totu-totúu.

Rasul 16:14 Tobatú kon sigad monia tua intau inta moperisaya monia nopars. Ki Lidia in tangoinya. Sia intau nongkon Tiatira inta totok motoindudui

ko'i Jehovah. Tuamai ijai i Tuhan ing ginanya simbá tarima'annya onu im pinota'au i Paulus ko'inia.

Matius 13:14-16 Mosia tua im pinonopodan kon onu inta pinoguman i Nabi Yesaya, nana'a: Ki Jehovah noguman: 'Mosia in umuran mokidongog, ta'e diá momangale; Mosia umuran monarukiramai ta'e diá monota'au kon onu inta nobalí. 15 Sing gina i intau mita tana'a ain sinimimbunod, bo bongoalan monia nobongołdon, bo mata monia aim binilogan; simbá mata monia diá moko'ontong bo bongoalan monia diá mokodongog, sin dikabo komangaleandon monia onu inta pinoguman bo mosia mobui mamangoi ko'i-Nakó bo posalamaton-Ku im mosia.' " 16 Ta'e mopia totok im matamu sin noko'ontong bo bongoalanmu sin nokodongog.

Yesaya 6:9,10 - Rasul 28:27 Sin raian monia na'a aim bidon nobangkung, bongoalan monia nobongołdon bo mata monia aindon binilogan. Hal tana'a im mobalí simbá diá moko'ontong im mata monia, bongoalan monia diá mokodongog, raian monia diá momangale, sin dika bo mobui ko'i-Nakó, bo ampungan-Ku im mosia.

Markus 4:11,12 Dá ki Yesus noguman ko'i monia nana'a, "Mo'ikow inogoiandon karunia monota'au kon onu inta no'ibuni soál náonda ing ki Jehovah momarentah sałaku Raja. Ta'e kon intau mita inta kon luai sinundú pinongin porumpama'an. 12 simbá 'Umpakah umuran mosia monarukira ta'e diá kota'uan monia onu im mobalí, mosia umuran mokidongog, ta'e diá momangale, na'aia mobalí simbá mosia diá moko'ontong bo momangale bo dika mamangoi ko'i Jehovah bo ampungan i Jehovah im mosia.' "

Yohanes 12:39,40 Tuamai mosia diá mopirisaya, sing ki Yesaya ain noguman doman, 40 "Ki Jehovah noguman, 'Binilogan-Kudon im mata monia, binalí-Kudon mosia motogat ing gina; simbá mosia diá moko'ontong, bo raian monia diá momangale. Simbá mosia diá mamangoi bui ko'i-Nakó, bodongka undaman-Ku i mosia.' "

Rum 11:7,8 Dá naonda degá? Intau Israel diá noko'ułí kon onu inta sinayak monia. Tongábí topilik in intau mita inta aim pinilí i Jehovah in noko'ułí. Intau mita ibanea aindon notogat ing gina monia mokodongog kon oiní i Jehovah. 8 Sing kom bonu im Buk Mosuci aim pinais nana'a, "Pinomiadon i Jehovah im mosia naonda bo nosiug; bo dapot kon singgai na'a mata monia diá moko'ontong bo bongoalan monia diá mokodongog."

2 Tesalonika 2:10,11 Bayongan akał inta mora'at pakéonnya mopoyaying kon intau mita inta mongoputú. Mongoputú im mosia sin doí motarima bo doí doman kon habar mopia inta nongkon i Jehovah inta mokosalamat ko'i monia. 11 Tuamai popoangoian i Jehovah in tobatú kawasa inta mokopoyaying ko'i monia, simbá mopirisaya im mosia kon soál inta diá totou'u.

Matius 13:18-23 "Manangka intua indongogái mangale im porumpama'an tatua. 19 Batol inta nołabú kon dałan, tua im mangalenyen: Intau inta nokodongog kom Pirman kon náonda ing ki Jehovah momarentah, ta'e diá kinomangalean monia. Kon tua namangoidon in Ibilis bo mogagow kon inta ain inambor kom

bonu ing gina monia. 20 Yo aka batol inta nołabú kon sigad im butá inta mobarong im batu, tua mangałenya, intau inta nokodongog kom pirman tatua, bo sia balú notarima takin pia ing gina, 21 Ta'e Pirman tatua diá nonguakat kom bonu ing ginanya sahingga in diá nonahang. Aka koántugan in yoyiga andeka pomogutúan lantaran Pirman tatua, yo intau tatua balú mobałui im pirisaya monia ko'i Yesus. 22 Bibit inta nołabú kon yuá-yuák in diát, tua im mangałenya, intau inta nokodongog kom Pirman tatua tongá mohawatir kong kapunya'an kon dunia na'a bo mo'ibog mobiag mo'oyúon. Ibog monia kon in dunia tua im monisí kom Pirman tatua, dá diá momungai. 23 Bibit inta nołabú kom butá mopia, tua im mangałenya, intau inta nokodongog kom Pirman bo nonota'au kom mangałenya, manangka intua sia nomungai, oyúon inta mogatut noguntuł, oyúon in onom nopołuh noguntuł bo oyúon doman in tołu nopołuh noguntuł."

2 Korintus 3:15,16 Uma'aipabí masa in tana'a, aka mobaca im mosia kom buk mita i Musa, yo kołubung tatua tantúpabí mo'ıłamboi makow kon raian monia. 16 Ta'e aka intau tatua bo mamangoidon ko'i Tuhan, yo kołubung tatua inggamáan bidon nongkon inia.

Hosea 11:3-7 - Matius 11:28-30 Koligaidon ko'i-Nakó, im bayongan intau inta nongołopídon bo intau inta kopota-pota'an im mosibuł, simbá ogoian-Ku ing kasanangan mo'ikow. 29 Aidaidon onu inta pinokíaid-Ku ko'inimu, bo duduidon kon oáid-Ku, mokopo'ompá kon dodia bo mokopoálus kon pososingog, dá ikow mokodungkuł kong kopia'an. 30 Sim parentah inta pinoguman-Ku im mopia, bo inta pinokíaid-Ku in diábí mororiga.

Rasul 26:18 mobuká kom mata monia, simbá mobuká im mata monia bo moko'ontong kon inta mobayag; bo diádon kopongaruan in Ibilis ta'e tongádon tantú kom bonu ing kawasa i Jehovah. Sin aka mopirisaya ko'i-Nakó, yo dosa mita monia in tokoámpunganbí bo mobałibí umat mita inta pinilí i Jehovah im mosia.

2 Timotius 2:24-26 Intau inta nogaid kon oáidan i Tuhan diábí mopia aka moyogenggeng. Mustibí mokopoálus kom pososingog bo mokopo ompá kon dodia kon tumpala intau, bo mopira doman motundú kon intau bo mosabar. 25 Sia musti mokopołukó kom bahasa aka motundú kon intau mita inta mo'ibog momaławang; bo tantú mopo'igum makow bá ogoian i Jehovah ing kasampatan in intau mita tatua simbá mogogaidon mogaid kon dosa bo monota'audon kon totundú inta no'itutui. 26 Sahingga mosadardon mosia bui, bo mo'ipilatdon nongkon poyogalap in Ibilis inta ain notogot ko'inia tua bo nomakisa simbá umuran dumudui kong ko'ibognya.

Wahyu 3:17-19 Mo'ikow mosingog: 'Kami nobiag no'oyúon bo bayongan yagi-yagi komintandon oyúon; diádon in noga'at ko'i nami.' Ta'e diábí kinota'auan monimu kom mo'ikow nion in nobiagbí nomalarat totok, bo totok doman mokoájar kong gina ing ka'ada'an monimu nion! Mo'ikow nion nomasiking, diá kołambu-łambung, bo bilog. 18 Tuamai na'a in tonggina-Ku ko'i monimu, potałui kom buławan ko'i-Nakó, buławan totokea simbá mobałidón mo'oyúon im mo'ikow. Bo potałui doman kon łambung mobudó ko'i-Nakó, simbá

mogiſambungdon im mo'ikow bo awak monimu inta nopolang bo moko'oyak ko'oſingoandon. Bo potaſui domandon kon undam poſepo kom mata simbá moko'ontongdon im mo'ikow. 19 Intau mita inta kotabi-Ku, mosia tuata im pogumanan-Ku bo sambokon-Ku. Manangka intua koropotdon ing gina monimu bo pogogaidon mogaid kon dosa mita.

2 Korintus 7:10 Sin ajar ing gina natua mopomungaibí im mopia bo mokosalamat. Bo tua in diábí mokomanyasaſ kon intau. Ta'e aka ajar ing gina inta pinodudui ibog in intau, yo tua im mokopatoibí.

1 Raja 18:37 - God turned heart back to God

2 Korintus 4:4 Sin ilah mora'at inta mongawasa kon dunia na'a in tantú mogolingoſ kon raian in intau mita inta diá mopirisaya. Siabí tua in tantú mogolingoſ ko'i monia simbá diá moko'ontong kom bayang in Habar Mopia soáſ kawasa i Kristus inta moloben, inta nobalí olinow i Jehovah.

Lukas 8:11-15 "Na'a mangale im porumpama'an tatua: Bibit tua im Pirman i Jehovah. 12 Bibit inta noſabú kom bingkí in daļan, tua in ibarat intau inta ain nokidongog kom Pirman i Jehovah, onda intua inangoi in Ibilis bo inagow im Pirman tatua nongkon bonu ing gina monia, sin dika bo mosia mobalí mopirisaya bo posaſamaton. 13 Aka bibit inta noſabú kom butá inta nobayong im batu, tua in ibarat intau inta nokidongog kom Pirman i Jehovah, bo notarima takin pia ing gina, ta'e onu in dinongog monia tua diá no'i'tonop kom bonu ing gina monia. Mosia tongá nopirisaya notoyong, naonda ing kinoágoian soba'an, mosia diá nonahang bo nobalui im pirisaya monia ko'i Jehovah. 14 Bibit inta noſabú kon yuá-yuák in diát, tua in ibarat intau inta ain nokidongog kom Pirman, tongá gina monia umuran sinisí ing kapunya'an inta inanggap monia mokosanang kong kobiagan monia kon dunia na'a, sahingga diá notuoi im bungainya. 15 Yo aka bibit inta noſabú kom butá mopia, tua in ibarat intau inta nokidongog kom Pirman, bo pino'tonopnya totu-totu'u kom bonu ing ginanya sahingga in nonahang kon yagi-yagi soba'an bo nobogoi im bungainya inta totok im mopia."

Rasul 15:11 Kita komintan in nonota'au bo nopirisaya bidon kong kita im posaſamaton lantaranbí tabi i Tuhan Yesus; ná doman tua im mosia.

Rum 8:13 Sin aka mo'ikow bo mobiag dumudui kon ibog in awak na'a, dá matoibí, ta'e aka mo'ikow bo momaké ing kawasa in Roho i Jehovah bo umuran monginggamá kon aid mita inta mokobaradosa, yo mobiagbí im mo'ikow.